

Broj: 01-04-6-03172-5/2022
Sarajevo, 5.7.2022. godine

Na osnovu čl. 69. st. (1) tačka b) i st. (2) tačka e). čl. 70. st. (1), (4) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), nakon razmatranja preporuke Komisije za javne nabavke broj 01-04-6-03172-4/2022 od 4.7.2022. godine, Direktor Federalne uprave za inspeksijske poslove, d o n o s i

O D L U K U

o poništenju postupka konkurentskog zahtjeva za dostavljanje ponuda za nabavku roba kancelarijski materijal

I

Poništava se postupak konkurentskog zahtjeva za dostavljanje ponuda za nabavku roba – kancelarijski materijal, za koji je obavještenje na portalu javnih nabavki BiH broj 1292-7-1-15-3-12/22 objavljeno dana 16.6.2022. godine, iz razloga što su cijene svih prihvatljivih ponuda znatno veće od osiguranih sredstava za predmetnu nabavku.

II

Ova odluka će se u skladu sa odredbom člana 70. st. (6) Zakona o javnim nabavkama Bosne i Hercegovine objaviti na web stranici Federalne uprave za inspeksijske poslove..

III

Ova odluka stupa na snagu danom donošenja.

O b r a z l o ž e n j e

Postupak konkurentskog zahtjeva za dostavljanje ponuda za nabavku roba – kancelarijski materijal pokrenut je odlukom direktora Uprave broj 01-04-6-03172/2022 od 14.6.2022. godine.

Vrijednost osiguranih sredstava za predmetnu nabavku iznosi 18.100,00 KM.

Dana 16.6.2022. godine na portalu javnih nabavki je izvršeno objavljivanje obavještenja o javnoj nabavci za nabavku predmetnih roba, broj obavještenja 1292-7-1-15-3-12/22.

Javno otvaranje ponuda je izvršeno od strane komisije za javne nabavke dana 1.7.2022. godine, te je tom prilikom konstatovano da su u ostavljenom roku pristigle dvije ponude, i to ponuđača „Svjetlost-sars“ d.d. Sarajevo sa ponuđenom cijenom od 28.845,00 KM i „Elkom“ d.o.o. Vitez sa ponuđenom cijenom od 29.450,50 KM.

Nakon što je utvrđeno da oba ponuđača ispunjavaju formalno pravne uvjete za učešće u postupku, za dan 4.7.2022. godine je zakazana e-aukcija.

Izvršenim uvidom u Izvještaj o toku i završetku e-aukcije od 4.7.2022. godine Komisija za javne nabavke je konstatovala da su oba ponuđača ostali kod svojih prvobitno datih ponuda, odnosno da nisu vršili korekcije ponuđenih cijena.

U daljem toku postupka komisija je razmatrala dostavljene ponude sa aspekta ponuđenih cijena, te je tom prilikom konstatovala da su cijene obje prihvatljive ponude značajno veće od

visine sredstava osiguranih za predmetnu nabavku, odnosno od osiguranih i Planom nabavki Uprave predviđenih 18.100,00 KM.

Članom 69. stav (2) tačka e) Zakona o javnim nabavkama BiH je propisano: „Ugovorni organ je obavezan poništiti postupak javne nabavke u slučaju da:...e) cijene svih prihvatljivih ponuda znatno su veće od osiguranih sredstava za predmetnu nabavku“.

Imajući u vidu naprijed navedeno, a kako su cijene svih prihvatljivih ponuda znatno veće od visine osiguranih sredstava za predmetnu nabavku, komisija je direktoru Uprave dala preporuku da donese odluku kojom će poništiti predmetni postupak javne nabavke.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 5 (pet) dana od dana prijema iste.



DIREKTOR

Anis Ajdinović

Dostaviti:

1. „Svjetlost-sars“ d.d. Sarajevo, Muhameda Kantardžića 3, 71000 Sarajevo
2. „Elkom“ d.o.o. Vitez, Divjak bb, Vitez
3. Sektor za materijalno-finansijske poslove;
4. Sektor za tehničku podršku i plansko-analiitičke poslove;
5. Komisija za javne nabavke (a/a).